

Broj: 1-25-16-4-212-24/17
Mostar, 02.08.2017. godine

Na osnovu člana 69. stav 2. točka d) 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), člana 17. Zakona o Agenciji za pružanje usluga u zračnoj plovidbi Bosne i Hercegovine („Službeni glasnik BiH“, broj: 43/09) člana 20. Statuta Agencije za pružanje usluga u zračnoj plovidbi Bosne i Hercegovine („Službeni glasnik BiH“, broj 63/10) člana 8. stav (2) točka d) Pravilnika o uspostavljanju i radu Komisije za nabavke („Službeni glasnik BiH“, broj 103/14) na preporuku Komisije za javnu nabavku broj: 1-25-16-4-212-22/17 od 17.07.2017. godine, u postupku nabavke špediterskih usluga za potrebe Agencije za pružanje usluga u zračnoj plovidbi BiH, na osnovu zaključka sa 48. sjednice Uprave Agencije održane dana 28.7.2017. godine direktor Agencije za pružanje usluga u zračnoj plovidbi Bosne i Hercegovine donosi:

ODLUKU

o poništenju postupka nabave špediterskih usluga za potrebe Agencija za pružanje usluga u zračnoj plovidbi BiH

Član 1.

Prihvata se preporuka Komisije za javnu nabavu špediterskih usluga za potrebe Agencije za pružanje usluga u zračnoj plovidbi BiH i poništava se postupak javne nabave špediterskih usluga za potrebe Agencije za pružanje usluga u zračnoj plovidbi BiH broj 1-25-16-4-212/17 u skladu sa članom 69. stav (2) točka d) Zakona o javnim nabavama iz razloga što je izabrani ponuđač **propustio dostaviti dokumente iz člana 45. Zakona o javnim nabavama BiH** odnosno zato što **ni jedna od primljenih ponuda nije prihvatljiva.**

Član 2.

Ova Odluka će se objaviti će se na web-stranici Ugovornog organa: www.bhansa.gov.ba i istovremeno dostaviti svim ponuđačima koji su učestvovali u postupku javne nabave u skladu sa članom 70. stav (6) i članom 71. Stav (2) Zakona o javnim nabavama BiH.

Član 3.

Ovom Odlukom poništava se Odluka o izboru najpovoljnijeg ponuđača broj 1-25-16-4-212-14/17 od 25.05.2017. godine.

Član 4.

Ova Odluka stupa na snagu danom donošenja.

Obrazloženje

- Na osnovu Odluke o pokretanju postupka za nabavu špediterskih usluga za potrebe Agencije za pružanje usluga u zračnoj plovidbi BiH broj: 1-11-16-4-212-2/17 od 01.02.2017. godine, proveden je otvoreni postupak javne nabave špediterskih usluga za potrebe Agencije za pružanje usluga u zračnoj plovidbi BiH.

Za provedbu postupka Odlukom o imenovanju komisije broj 1-22-16-4-212-3/17 od 01.02.2017.godine imenovana je komisija od pet (5) članova.

Obavještenje o provedbi postupka objavljeno je na portalu javnih nabava broj: 1250-1-2-43-3-33/17.godine, a sažetak Obavještenja o nabavi objavljen je u „Službenom glasniku BiH“ broj: 25/17 od 30.03.2017.godine.

Na sjednici održanoj dana 20.04.2017. godine u 11.30 sati, komisija je konstatirala da su u predviđenom roku, pristigle zapakirane ponude sljedećih ponuđača:

- 1.Interagent doo Mostar
- 2.Athens doo Sarajevo
- 3.Intereuropa RTC međunarodna špedicija, skladištenje, pretovar i transport d.d. Sarajevo

U daljnjem radu komisije konstatirano je da je jedina prihvatljiva i uredno dostavljena ponuda ponuđača Intereuropa RTC međunarodna špedicija, skladištenje, pretovar i transport d.d. Sarajevo, pa je komisija Upravi dostavila zapisnik o ocjeni ponuda broj:1-25-16-4-212-11/17 od 4.5.2017.godine, izvještaj o radu komisije broj:1-25-16-4-212-13 od 4.05.2017.godine i preporuku o izboru najpovoljnijeg ponuđača broj: 1-25-16-4-212-12 od 04.05.2017.

Na osnovu preporuke komisije i na osnovu zaključka sa 44. sjednice Uprave Agencije donesena je Odluka o izboru najpovoljnijeg ponuđača u postupku nabave špediterskih usluga broj 1-25-16-4-212-14/17 od 25.05.2017. godine u kojoj je odlučeno da se prihvata preporuka komisije i da se ugovor se dodjeljuje ponuđaču **Intereuropa RTC međunarodna špedicija, skladištenje, pretovar i transport d.d. Sarajevo.**

Odluka je u zakonskom roku, sukladno članu 70. stav (6) i članu 71. Stav (2) Zakona o javnim nabavama BiH uredno dostavljena ponuđačima koji su učestvovali u postupku javne nabave i istovremeno objavljena na službenoj stranici Agencije.

Dana 02.06.2017. godine ponuđač Interagent doo Mostar uložio je žalbu na Odluku broj 1-25-16-4-212-14/17 od 25.05.2017. godine, koju je komisija ocijenila kao blagovremenu, dopuštenu, uloženo od ovlaštene osobe ali neosnovanu i u zakonskom roku zajedno sa kompletnom dokumentacijom predmeta nabave prosljedila Uredu za razmatranje žalbi BiH.

Dana 8.6.2017. godine ponuđač Athens doo Sarajevo također je uložio je žalbu na Odluku broj 1-25-16-4-212-14/17 od 25.05.2017. godine koju je komisija ocijenila kao blagovremenu, dopuštenu, uložena od ovlaštene osobe ali neosnovanu i u zakonskom roku zajedno sa kompletnom dokumentacijom predmeta nabavke prosljedila Uredu za razmatranje žalbi BiH.

S obzirom da žalba odgađa nastavak postupka javne nabave, komisija je sukladno članu 110. Zakona o javnim nabavkama obustavila provedbu postupka dok Ured za razmatranje žalbi BiH ne donese Odluke po žalbama.

Žalba ponuđača Interagent doo Mostar odbačena je od strane Ureda za razmatranje žalbi zaključkom broj: JN2-01-07.1-321-6/17 od 20.6.2017. godine, kao neuredna i dostavljena je na protokol Ugovornog organa dana 22.06.2017.

Žalba ponuđača Athens d.o.o. također je odbačena od strane Ureda za razmatranje žalbi zaključkom broj: JN2-01-07.1-345-7/17 od 6.7.2017. godine, kao neuredna i dostavljena na protokol Ugovornog organa dana 07.07.2017.godine

Primitkom Zaključaka URŽ-a komisija za provedbu postupka je nastavila s radom, pa je uvidom u predmet utvrdila da je izabrani ponuđač Intereuropa RTC međunarodna špedicija, skladištenje, pretovar i transport d.d. Sarajevo, **propustio dostaviti dokaze iz člana 45. Zakona o javnim nabavkama**, a što je bio dužan dostaviti u roku od 5 dana od prijema Odluke o izboru najpovoljnijeg ponuđača, što je i Ugovorni organ propisao točkom 3.1 Tenderske dokumentacije broj: 1-11-16-4-212-5/17 od 30.03.2017. godine.

S obzirom je komisija u svom radu utvrdila da niti jedna od dostavljenih ponuda nije prihvatljiva i da nema drugorangirane ponude, ugovor se ne može dodijeliti niti jednom od ponuđača koji su dostavili svoje ponude.

Sukladno navedenom, stekli su se uvjeti za poništavanje postupka javne nabave, pa je komisija Upravi Agencije dostavila preporuku o poništenju postupka nabave špediterskih usluga za potrebe Agencije za pružanje usluga u zračnoj plovidbi BiH broj: 1-25-16-4-212-22/17 od 17.07.2017.godine

U postupku donošenja ove Odluke, posebno su cijenjene činjenice da je Komisija, pravilno postupila, poštivajući kriterije propisane tenderskom dokumentacijom, te da je preporuka o poništenju postupka nabave dana u skladu sa Zakonom i podzakonskim aktima.

Iz navedenih razloga, primjenom člana 69. stav (2) točka d) Zakona o javnim nabavkama odlučeno je kao u članu 1. dispozitiva ove Odluke.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Dostaviti:

- web stranica Agencije,
- ponuđačima,
- a/a

